

გ ა ნ მ ა რ ტ ე ბ ი თ ი ბ ა რ ა თ ი

„ოზურგეთის მუნიციპალიტეტის მერიის განათლების, კულტურის, სპორტისა და ახალგაზრდობის სამსახურის დებულების დამტკიცების შესახებ“

ოზურგეთის მუნიციპალიტეტის საკრებულოს დადგენილების პროექტზე

(განმარტებითი ბარათი შედგენილია „ნორმატიული აქტების შესახებ“ საქართველოს ორგანული კანონის მე-17 მუხლის მე-5 პუნქტის შესაბამისად).

1. პროექტის წარმდგენი:

ოზურგეთის მუნიციპალიტეტის მერი - პაატა კუნჭულია;

2. პროექტის ავტორი და ოზურგეთის მუნიციპალიტეტის საკრებულოს სხდომაზე დანიშნული მომხსენებელი:

ოზურგეთის მუნიციპალიტეტის მერიის განათლების, კულტურის, სპორტისა და ახალგაზრდობის სამსახურის უფროსი- ნატალია ხომერიკი

3. პროექტის მიღების (გამოცემის) მიზეზი და მისი ძირითადი დამახასიათებელი ნიშნები:

ა) პროექტის მიღების მიზეზი:

ა) პროექტის მიღების მიზეზი და მიზანი:

ფუნქციათა დაზუსტება და კომპეტენციის გამოჯვნა – პრაქტიკულ საქმიანობაში გამოიკვეთა ცალკეული მიმართულებების დაკონკრეტებისა და სისტემატიზაციის საჭიროება. ცვლილებებით უზრუნველყოფილია განყოფილებების უფლებამოსილებათა მკაფიო განსაზღვრა, რაც ხელს შეუწყობს პასუხისმგებლობების სწორ გადანაწილებასა და ეფექტიან მუშაობას.

მოქმედ კანონმდებლობასთან და სახელმწიფო პოლიტიკასთან შესაბამისობა – განათლების, კულტურისა და ახალგაზრდობის სფეროში მიმდინარე რეფორმებისა და პოლიტიკის დოკუმენტების გათვალისწინებით, დებულებაში აისახა ისეთი მიმართულებები, როგორიცაა ინკლუზიური განათლება, პროფესიული განათლების მხარდაჭერა, ახალგაზრდული პოლიტიკის განვითარება და კულტურული მემკვიდრეობის დაცვა.

განათლების სფეროს გამდიერება – განათლების განყოფილების ფუნქციებში დეტალურად განისაზღვრა პროგრამების კოორდინაცია და მონიტორინგი, პროფესიული განათლების ხელშეწყობა, სკოლამდელი დაწესებულებების მართვის მხარდაჭერა, სოციალური და მოწყვლადი ჯგუფებისთვის განათლების ხელმისაწვდომობის გაზრდა, ასევე ნიჭიერი ახალგაზრდების წახალისების მექანიზმები.

ინკლუზიური და თანაბარი შესაძლებლობების უზრუნველყოფა – სპეციალური საგანმანათლებლო საჭიროების მქონე ბავშვებისა და ახალგაზრდების მხარდაჭერის მიმართულებით ფუნქციათა ცალკე გამოყოფა ემსახურება თანასწორობის პრინციპის განმტკიცებას და მუნიციპალიტეტის სოციალურ პასუხისმგებლობას.

კულტურის, სპორტისა და ახალგაზრდობის მიმართულებების ინტეგრირებული მართვა – განყოფილების ფუნქციებში გაერთიანდა კულტურული მემკვიდრეობის დაცვა და პოპულარიზაცია, სპორტული ინფრასტრუქტურისა და აქტივობების განვითარება, ახალგაზრდული პოლიტიკის დაგეგმვა და სოციალური პრობლემების პრევენციაზე ორიენტირებული ღონისძიებები, რაც უზრუნველყოფს ერთიან და კოორდინირებულ მიდგომას.

საჯაროობის, ჩართულობისა და პარტნიორობის გაძლიერება – ცვლილებებით განისაზღვრა თანამშრომლობა როგორც ადგილობრივ, ისე ეროვნულ და საერთაშორისო პარტნიორებთან, რაც ხელს შეუწყობს საუკეთესო პრაქტიკის დანერგვას და დამატებითი რესურსების მოზიდვას.

სკოლამდელი აღზრდის რეფორმა: დებულების მიღების უმნიშვნელოვანესი მიზანია ბავშვის მართვის, მონიტორინგისა და ავტორიზაციის პროცესის უზრუნველყოფა, რაც ბავშვზე ორიენტირებული გარემოს შექმნას ემსახურება.

ახალგაზრდული პოლიტიკა და პრევენცია: მიზნად ისახავს ახალგაზრდების პრობლემების კვლევას, მათ ჩართულობას და ისეთი სოციალური პრობლემების პრევენციას, როგორიცაა ნარკომანია, ალკოჰოლიზმი და დანაშაული (მუხლი 7).

განათლების მხარდაჭერა: მოსწავლეთა ტრანსპორტირების, სკოლების მატერიალურ-ტექნიკური ბაზის გაუმჯობესებისა და წარმატებული სტუდენტების/მოსწავლეების წახალისების (სტიპენდიები, ვაუჩერები) სამართლებრივი მოწესრიგება.

4. ოზურგეთის სპეციფიკისა და პოტენციალის წარმოჩენა (სტრატეგიული მიზანი)

დოკუმენტის მიღების მიზეზია მუნიციპალიტეტის კულტურული და ტურისტული პოტენციალის (მათ შორის სპორტული ტურიზმის) მაქსიმალური გამოყენება და საერთაშორისო სივრცეში ინტეგრაცია.

წარმოდგენილი დებულება ორგანიზაციული ხასიათისაა და მიმართულია სამსახურის საქმიანობის ეფექტიანობის ზრდისკენ. პროექტის მიღება უზრუნველყოფს შესაბამისი მიმართულებების უფრო გამჭვირვალე, შედეგზე ორიენტირებულ და თანამედროვე სტანდარტებთან შესაბამის ფუნქციონირებას.

ბ) პროექტის მიღებასთან დაკავშირებული საფინანსო - ეკონომიკური გაანგარიშება:

პროექტის მიღება გავლენას მოახდენს მუნიციპალიტეტის ბიუჯეტის ხარჯვით ნაწილზე.

გ) ბავშვის უფლებრივ მდგომარეობაზე ზეგავლენის შეფასება, რასაც გამოიწვევს პროექტის მიღება (გამოცემა):

პროექტის მიღება არ მოახდენს ზეგავლენას ბავშვის უფლებრივ მდგომარეობაზე

დ) ქალისა და მამაკაცის თანასწორობის მდგომარეობაზე სამართლებრივი აქტის ზეგავლენის შეფასება
პროექტი არ მოახდენს ზეგავლენას ქალისა და მამაკაცის თანასწორობის მდგომარეობაზე

ე) პროექტის მიღების სავარაუდო თარიღია 2026 წლის ____.